

矣故覽正經者如對真人受真訣者如得其  
身假使有毒競來安期爭至而言異經訣不  
可信也必有小同異者伏願聖主詳擇從之  
臣聞凡草春剪芝實不秀傾巢覆卵驚鳳不  
集耳

黃帝九鼎神丹經訣卷之二

黃帝九鼎神丹經訣卷之三四同

溫三

擇明師受訣不藉真人法

臣聞師無常師主善而師之三人同行必以  
善者孔子之道一以貫之黃帝省方無求不  
往若以真人道訣非真人不傳元君之經非  
元君不授何異胃子侍宣尼以講習虞政侯  
臯陶以弼諧消失光陰永無成日所以九鼎  
之道長生之方若此管之與取死無異也生  
可戀也死可懼也日失一日比速逆川覆壺  
夕光吁嗟易盡今但遇知方之人指摘其意  
求而不已復自參驗結以良伴同契不移此  
自能成之固有之矣則必無真人玄女借助  
之也藥成之後清腸服餌即玉女來侍或青  
龍將迎未成之前不聞有感故元君曰慎無  
以神丹告人今之笑道謬真傳丹經不得其  
人必受其殃若有篤信者可得金丹藥分人  
莫以經云傳與此之真人實以秘惜與親傳  
口訣無異也若言獲見真人及知方士不爾  
而得道也昔殷家之過彭祖周室之逢老子  
秦皇之親安期漢武之任少君不聞皆得道

夫學道之人尤惡諛譁不欲人雜言不欲見  
俗人固易路而行異處而坐懼貽毀辱味道  
獨居所好不同必招誹謗恨不絕迹軌以逃  
遁隔千里以嫌疑况披真人何求以至夫真  
人者蹈炎燄而不灼躡玄波而不傾鼓翻清  
虛雲軒風駟仰凌紫極俯攝崑崙假令或遊  
人間匿真隱異比肩接武外若庸流俗人何  
以察之安能覺也自有子晉躬仰白鶴黃帝  
親駕赤龍或鱗身蛇軀或金車羽服非洞視  
不能觀其事非徹聽不能聞其聲俗不見聞  
則多疵毀所以真人嫉之益潛遁也常人之  
所愛上士之所憎常人之所賤至人之所貴  
英雄偉器猶不願雜風塵玄女真人何急遽  
參人事俗人怪之不爾乎謬凡人目察百步  
不能了了而欲以己所見為有己所不見為  
無則天下之不見者實亦多矣猶如蠡測海  
而云水盡惑之甚也真人自不見不得謂之  
無也不得以有之而可求知法人不可要待  
真人也知法者皆知口訣而受  
臣聞丘明之傳春秋尋經者知褒貶在於一

字仲尼之翼訓周易觀卦者知吉凶存乎一象儒書尚非法不明仙道神丹豈按經能盡故黃帝登崆峒訪自然之道涉王屋求說丹之經錄在方言傳之口訣訣隨口滅方不遂經所以求者似牛毛獲者如麟角雖曰難得代不絕人法既有人得之身豈非人者矣上聖念將來之可教為篤信者故使思而得之脫死亡之禍患凡俗不信謂為虛文此之真人誹議先聖故欲合神丹必不使不信者知之之樂即不成此之一忌非小禁也皆由不得真訣變化不成作既無成謗從此起由如田家或水旱不收謂不可種也水旱以時穀稼收矣經訣若真神丹成矣夫訣法有二也一者文訣可以文傳者紙墨能傳口訣者非口不宣故易云書不盡言言不盡意立身行道可以盡傳也陰陽變化不可言詮朱砂本赤燒之變成水銀水銀至白燒之又成丹色凡情識自不得知之亦如燒胡粉以如金白鉛而類人言無此道曾不修求者足昏不及俗人哉俗人乃防僮其不得為凡人之

所笑不知僮至有得為智者之所嗤皆曰不得真經正訣之所致也傳不得人復貽怨累所以法之隱沒而不可聞也故葛洪云一代之中不過二三人得之又云八極之內將誰幾人見知秘訣難聞得之者少必立盟誓方事相傳長生神仙之藥千方萬術所不得此訣終不能成也神祕至重萬金不傳若有傳者依本經一二口授不得須以傳之法依于盟經用黃金八兩黃布四十尺白銀八兩白絹四十尺為信限百年內得傳一人歃血為盟若後為識傳至人違負漏泄天帝譴誅永謝玄路太玄仙都使盟者心迷意亂所傾欺死即仙君使精神昏濁所學不成太一司錄三天司命減算伐年所作不成受罰於太玄都此太清諸丹等張天師訣文

不問賢愚但精專按而合作無不成必得道也葛洪曰余雖生於末代頗慕古風考集仙經八十餘歲雖聞此訣自未曾覩求亦不已余師鄭君也始授余此訣余自得之精思清齋齋滿百日依按合作無不成者吾始轉清氣息服餌之五神泉即得住命法後敢憑驗者方道術自在若後有人同余得此訣者必須心知口默不得輒授人及告不是心腹之人即反受其殃眾神不護作者不成余今所以誓告後生必無妄傳此是領帶之中歷代神要祕密之道貴在質不能廣說使俗人知也其傳授法在粉訣中此是玄珠訣文也

狐剛子曰五金神粉非獨服餌長生用以摩身俗疾不能干眾灾莫由害也此法本出玉皇祕藏隱文非俗所有自非稟其仙籙者終不能見吾本故訣隱文以開後聖若得此訣者必須依傳授法受之不得輕告吾授非其人也非所授作不成亦萬劫學仙道永不得成也粉圖云授法不得輕告傳法日取王相日結齋五壇師與弟子並在壇前日夜恒燒

寶香奏帝祈請所願長生藥錄名目稱某少好長生上道萬劫以來常蒙道福今得奉恩聖允蒙師慈念許受訣文某今不敢許納一奏請皇君師言弟子某末道日夜無忘某今欲授某訣文不敢自許一一奏請皇君如

此謹心滿七日夜然香登壇飲血為盟分金錄授於東流水中請師傳授諸神金丹及口訣圖籙皆同此法傳授若不依傳法請受師與弟子所造不成是粉圖中訣文也

狐丘先生授葛仙公曰命屬仙星名錄繼我今故授汝萬金訣等及修仙法汝依而用之汝若傳之自非決志山巖不規俗利者軟血分錄立壇為誓終不得妄傳傳非其人名削福薄殃及累代慎之勿妄傳也此是萬金訣也

臣按五金三汞九鉛八石皆有毒若不得古人舊訣假有新知方者口傳三數十句終無成理故孤子云五金盡火毒若不調鍊其毒作粉假令變化得成神丹大藥其毒未盡去者久事服解少違誠禁即返殺人是故具訣

圖錄鍊熟并作粉法以示將來狐子萬金訣五金粉圖訣伏玄珠訣張天師口訣

臣按上件四訣皆是先賢寶重流俗有真能見之假令或逢一卷亦終不知其初終之意其文錯亂間則諸法假令俗人悉得莫知用

處所以萬劫誠傳授之受口訣儀法先敷儀置坐訖以白絹四尺五寸為藉清酒一斗鹿脯若牛羊脯七胸胸方三寸酒杯七枚置槃案上脯各置杯後以信物置酒杯左邊燒香長跪曰謹請

大清玉陛下太上大道君太微天帝君太玄仙都九老仙君太一司錄司命神君下降某郡某里人某甲就坐尚饗尚饗一作坐某雖凡愚宿有道緣遇蒙先師受大訣秘之在心未曾發洩雖知天禁至重又不可使神道永祕今

有某甲雖處世俗心慕道門不貴金玉不尚榮華仰希玄路志登紫雲故減削自身以備信物詣臣某請受大訣某不敢自專輒敢啓白唯願照知照明為之訖乃再拜上香酒三上香酒訖乃曰勝屈玄尊來臨下土枉蒙降

願心喜意悅當聽某所陳慈恩相怒君以醉飽持其酒食請收餘福見物永書訖乃再還取酒脯共所受人飲食之勿與他人食矣黃帝九鼎神丹經訣卷之三

18804